



Inatsisartunut ilaasortaq Suka K. Frederiksen, Siumut

Asasara Suka K. Frederiksen

Naalakkersuisut Narsami meeqqat atuarfiat pillugu apeqqutinnut qutsavigaatsit.

Aallaqqaasiullugu malugeqqussavara Inatsisartuni apeqqarissaarfigineqarnerma aqaguani Laura Tàunâjik Inatsisartullu Kultureqarnermut Ilinniartitaanermullu ataatsimiititaliaat ima oqaasertalimmik naqqiuteqarlunga allaffigigakkitt:

”Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisumut, Nivi Olsenimut Inatsisartunut ilaasortap Laura Taunajik-up apeqquteqarnera aallaavigalugu akissutigineqarpoq Narsap Atuarfiani atuartut agguaqatigiissillugu meeqqat atuarfianni inaarutaasumik misilitsinnermi karakterimikkut angusisimangitsut.

Nivi Olsenip allakkami uani erseqqissassavaa, meeqqat atuarfianni inaarutaasumik misilitsinnerit ilinniarfinnilu allani soraarummeernerit assigiinngimmata. Ilinniarfimmik angusilluni karakteri nalinginnaasoq tassaavoq karakteri 2. Karakteri taanna tunngavigalugu sanilliusseq Narsami misilitsittunik eqqunngitsortaqqarpoq, taakkumi agguaqatigiissillugu karaktererimmassuk 2,025. Naalakkersuisup Nivi Olsenip apeqquteqaateqarnermik kukkusumik paasissutissiisimanini ajuusaarutigaa.

Qulaani ajornartorsiut taaneqartoq eqqarsaatiginngikkaluarluguluunniit Nivi Olsen isumaqqarpoq angusat naammaginangitsut, politikkikkullu apeqquteqaateqarnermi isummat saqqummiunneqartut meeqqat atuarfiannut tunngasut akisussaaffigalugit nalunaarutigerusuppaa.”

1. Narsami agguaqatigiissillugu meeraq ataasiinnarluunniit angusaqarsimangitsoq, qanoq paasineqassava?

Akissut: Oqaruma atuartut eqimattat atuarfiit arlaanni agguaqatigiissillugu meeqqat atuarfianni angusisimangitsut tamanna isumaqqarpoq meeqqat atuarfianni inaarutaasumik misilitsinnermi 2 ataallugu agguaqatigiissitsinikkut angusaqartoqarsimasoq. Takuulli aallaqqaataani naqqiissutima issuarnera.

a. Atuartut qassit pineqarpat?

Akissut: Kisitsisit Ilinniartitaanermut Aqutsisoqarfimmit pisakka procentinngorlugit naatsersugaapput. Meeqqalli atuarfianni karakteritigut

03-11-2015
Sagsnr.2015-2805
Dok. nr. 1474990

Postboks 1029
3900 Nuuk
Tlf: +299 34 50 00
Fax: +299 32 20 73
Email: iiknn@nanoq.gl
www.nanoq.gl

angusaasut tamarmik Ilinniartitaanermut Aqutsisoqarfiup nittartagaani tamanit takuneqarsinnaapput ilaatigut siunertaralugu naalakkersuineramik suliaqartut, atuarfiit siulersuisui, pisortat, ilinniartitsisut, angajoqqaat allallu soqutiginnittut meeqqat atuarfiini angusaasut ineriartornerinut, tassani ilaallutik alloriarfinni misilitsinnerni inaarutaasumillu misilitsinnerni angusaasut, malinnaasinnaaniassammata.

Meeqqat atuarfiini karakteritigut angusaasut tamarmik uani misissorneqarsinnaapput: <https://angusat.inerisaavik.gl/GrafMenu.aspx>

2. Narsami pissutsit “akuerineqarsinnaangitsut” qanoq iliuuseqarfigineqarpat?

Akissut: Ilisimaneqartutut kommunalbestyrelsi kommuni atuarfinnut akisussaasuvoq taakkuuppullu iliuuseqartussaataitaasut. Naalakkersuisut, Ilinniartitaanermut Naalakkersuisoqarfik imaluunniit Ilinniartitaanermut Aqutsisoqarfik kommuni avaqqullugu iliuusissanik aallartisaasinnaangilaq. Taamaattumik kommunalbestyrelsip akisussaaffigiinnanngilaa atuarfiit ineriartornerisa qanoq ingerlaneranut malinnaassalluni atuarfiilli killiffii, pisariaqartitaat unammilligassaallu malillugit atuarfiit neqeroorutissaannik aaqquissuussissalluni.

Narsami atuarfiup pisortaata uannut allakkamini iliuusissat tigussaasut suut aallartinniarlersaarnerlugit nassuiaassutigaa. Uangani pisussaaffittut isiginngilara atuarfiup ataatsip pilersaarutai tamanut saqqummiutissallugit, tamanna atuarfiup nammineerluni akisussaaffigimmagu aammalu ilisimannginnakku taakkua kommunalbestyrelsimut saqqummiunneqarlutillu akuerineqarsimanersut.

Ilisimatitsissutigisinnaavarali Naalakkersuisut kommuninik sisamaasunik tamanik meeqqat atuarfianni inuiaqatigiittut unammilligassavut pillugit pitsaasumik attaveqateqarmata.

3. Naalakkersuisumit Narsami pissutsit ilisimaneqalermata Kujallermi kommunalbestyrelsi attavigineqarpa?

Akissut: Ilinniartitaanermut Naalakkersuisoqarfiup KANUKOKA-Ilu Kommuni

Kujallermi Kultureqarnermut Ilinniartitaanermullu ataatsimiititaliaq augustimi ukioq manna ataatsimeeqatigaa ilaatigut atuarfiit angusaat ataatsimiititaliamut saqqummiunneqarlutik. Tassunga tunngatillugu aamma oqaatigineqassaaq kommunalbestyrelsi nammineeirluni pisussaaffeqarmat atuarfiutimini ineriartornermik nakkutilliissalluni kiisalu ajornartorsiutaasinnaasunut iliuuseqartassalluni. Ilanngullugulu taaneqassaaq siornatigut kommunip atuarfeqarnikkut aqutsiviata Inerisaavimusasullu akornanni kommunip atuarfiinik inerisaanissaanut tapersersuinissamik suleqatigiinnissamik isumaqatigiissusiortoqarnikuusimammat. Atuarfinnik inerisaanissamut isumaqatigiissut atorunnaarsinneqarsimavoq atuarfiunngooq isumaqatigiissutit malissimannimmagit.

a. Qanoq suleqatigiittoqarniarpa?

Akissut: Ilinniartitaanermut Naalakkersuisoqarfik suli ilisimatinneqanngilaq iliuusissat tigussaasut suut kommunip Narsami atuarfimmi aallartisarniarnerai. Ilinniartitaanermut Aqutsisoqarfiup ilisimatitsissutigaa kommunip inerisaanissamut pilersaarutigisimasaanik nangitsinissamut piareersimallutik imaluunniit inerisaanissamut suliniutinik nutaarluinnarnik suliaqarnissamut oqaloqatiginnissallutik. Akissummili siusinnerusukkut allanneqareersutut kommuni taannaavoq atuarfinni ataasiakkaani susoqarnissaanik aalajangiisussaq.

4. Aggvaqatigiisillugu meeraq ataasiinnarluunniit angusaqarsimannimmagat, akisussaasunut kommunimut, aqutsisunut il.il. qanoq kinguneqartitsisoqarpa?

Akissut: Apeqqummut 2-mut akissut takuuk.

5. Narsami pissutsit ilungersunartut pisut kinguneranik suut allanngortinneqarniarpat?

Akissut: Apeqqummut 2-mut akissut takuuk.

6. Arlaanik paasissutissanik apeqqutiginnisannik Narsami atuarfimmut tunngasunik allanik peqaruit suuppat? Ilanngunneqarnissaat

kissaatigaakka.

Akissut: Periarfissaq iluatsillugu Naalackersuisut Ilinniartitaanermut Pilersaarutaat innersuussutigissavara tassani ilaatigut meeqqat atuarfiannut anguniakkavut iliuuserineqartussatullu siunnersuutivut allaaserineqarsimmata. Neriutigaarput eqqarsaatit piviusunnngortinniarnerni kommunit tamarmik oqaloqatigiinnermut pitsaasumik aallartinneqareersumut peqataajumaartut. Suliniutit taakku atuarfinnut ataasiakkaanut ingerlanerluttut tunngaannaratik nunamut tamarmiusumut tungasuupput.

Inussiarnersumik inuulluaqqusillunga

Nivi Olsen